

Lesona 5: Auaunaga

E mafai ona e aoaoina leni lesona i lona atoatoa pe vaevae i ni vaega pupuu. Fetuunai le lesona i tulaga o lou lotoifale ma manaoga, tausaga, ma malamalama o lau au peresitene o le korama po o le vasega.

NA AOA MAI I TATOU E IESU KERISO I LE AUALA E AUAUNA AI

Ina ia fesoasoani i sui o le au peresitene o le korama po o le vasega ia vaai ia Iesu Keriso o la latou faataitaiga o le auaunaga, e mafai ona e valaaulia i latou e talanoa i Ana aoaoga ma le faataitaiga o le auaunaga (tagai [Luka 10:25–37](#); [3 Nifae 17:5–10](#)). Faamatala atu o le auaunaga o le tausiga o se tasi e pei ona faia e le Faaola. O anafea na fai ai e se tasi leni mea mo oe, ma o le a sou lagona na maua ai? E faapefea ona faaoga le faataitaiga a Keriso ia tatou taumafaiga e auauna atu i sui o la tatou korama po o le vasega? I isi?

E MAFAI ONA TATOU AUAUNA ATU IA I LATOU O SI'OMIA I TATOU

Ina ia fesoasoani i sui o le au peresitene ia maua musumusuga i le ala e auauna atu ai i sui o la latou korama po o le vasega, valaaulia i latou e talanoaina tagata taitoatasi i le igoa (e mafai ona maua mai e le failautusi se tauvalaauga a le vasega mai le polokalama o Meafaigaluega a Tagata po o le failautusi a le uarota). Atonu e mafai ona fesoasoani fesili nei:

- O a ni mea ua tatou iloa e uiga ia i latou?
- O a ni o latou malosiaga tulagaese ma luitau?
- O a ni mea e mafai ona tatou faia e ono fesoasoani ai ia i latou (mo se faataitaiga, i le auaunaga ma gaoioiga ma fonotaga i Aso Sa)?

Fesili i sui o le au peresitene e mafaufau foi pe faapefea ona latou uunaia sui o le korama ma vasega e faaoga o latou malosiaga ma taleni e auauna atu ai i isi, i totonu faapea ma fafo o la latou korama po o le vasega.

Valaaulia le au peresitene o le korama po o le vasega e faatino i luga o mea ua latou lagona ua musuia i latou e fai. Atonu latou te mananao e iloilo ma faaleleia fuafuaga na faia i la latou fonotaga talu ai a le au peresitene e aofia ai a latou fuafuaga fou. Ia mautinoa ua latou malamalama o faamatalaga maaleale e faasoaina mai e uiga i tagata e tatau ona le faalauaitelina.

PUNAOA LAGOLAGO

- *Tusitaulima Aoa: Auauna Atu i Le Ekalesia a Iesu Keriso o le Au Paia o Aso e Gata Ai*, [mataupu 21](#), [ChurchofJesusChrist.org](#)
- [2 Korinito 6:4–7](#); [Mosaea 18:8–9](#); [Mataupu Faavae ma Feagaiga 84:106](#)
- “[We Are Strong Together](#)” vitio